

Kamilah Dammers a logra medaya di oro



VERACRUZ, Mexico – Tabata 21 aña pasa pa ser exacto 22 di november 1993 cu Aruba a logra su prome medaya di Oro, e tempo aya conquista pa e bolichera Edna Maduro den e Weganan CAC na Ponce, Puerto Rico.

Diamars 25 di november 2014, e historia ta ripiti y e gran momento a presenta

un bes mas pa e deporte di boliche y Aruba completo, ora cu e atleta femenino, Kamilah Dammers a logra e medaya di Oro pa nos dushi isla den e Weganan Centro Americano y del Caribe na Veracruz, Mexico. Pa mas di binti y un aña e delegacion di Aruba a warda riba e gran momento aki. Pabien Durante e weganan di boli-

che Kamilah a logra di haci un “perfect game”, algo cu ningun atleta femenino a logra te awor aki.

E ta e prome hungado cu a realisa e hazaña aki. E record den historia di e Weganan CAC den boliche femenino ta 1367 pins den 6 wega mientras Kamilah a tira 1516 pins den 6 wega. □